



Na osnovu člana 22 Statuta Brčko distrikta BiH – prečišćeni tekst („Službeni glasnik Brčko distrikta BiH“, broj 2/10), Skupština Brčko distrikta BiH, na 60. redovnoj sjednici održanoj 3. jula 2024. godine, usvaja

**ZAKON**  
**O IZMJENAMA I DOPUNAMA ZAKONA O PLATAMA I DRUGIM NAKNADAMA**  
**SUDIJA I TUŽILACA U BRČKO DISTRIKTU BOSNE I HERCEGOVINE**

**Član 1**

U Zakonu o platama i drugim naknadama sudija i tužilaca u Brčko distriktu Bosne i Hercegovine („Službeni glasnik Brčko distrikta BiH“, brojevi: 17/22 – prečišćeni tekst, 21/22, 45/22 i 17/23 – presuda Apelacionog suda Brčko distrikta BiH), u članu 7 iza stava 1 dodaje se novi stav 2 koji glasi:

„(2) Ukoliko je kalendarski period do prestanka radnog odnosa kraći od 30 radnih dana, sudija ili tužilac može koristiti onoliko dana godišnjeg odmora koliko mu to kalendarski omogućava period do prestanka radnog odnosa.“

Dosadašnji stavovi 2, 3, 4 i 5 postaju stavovi 3, 4, 5 i 6.

U istom članu novi stav 5 se mijenja i glasi:

(5) Naknada za godišnji odmor plaća se kao dodatak na platu u julu svake godine, bez obzira na to kada se koristi godišnji odmor, osim u slučaju prestanka radnog odnosa prije mjeseca jula te godine, kada se naknada za godišnji odmor isplaćuje kao dodatak na posljednju platu koju je sudija ili tužilac ostvario prije prestanka radnog odnosa.“

**Član 2**

U članu 12b stav 4 mijenja se i glasi:

„(4) Troškovi sahrane iz stava 1 ovog člana isplaćuju se samo jednom zaposlenom članu porodice.“

**Član 3**

Iza člana 13a dodaje se novi član 13b koji glasi:

**„Član 13b**

(Naknada troškova prevoza na posao i prevoza s posla)

„(1) Sudije i tužioci imaju pravo na naknadu troškova prevoza na posao i prevoza s posla.

(2) Kriteriji, visina i način obračuna naknade troškova prevoza na posao i prevoza s posla iz stava 1 ovog člana, pod istim uslovima i iznosima propisanim za zaposlene u pravosuđu Distrikta, uređuju se Pravilnikom.

(3) Pravilnik iz stava 2 ovog člana donosi Pravosudna komisija Brčko distrikta Bosne i Hercegovine u roku od tri mjeseca od stupanja na snagu ovog zakona.“

**Član 4**

(1) Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-253/24

Brčko, 3. jula 2024. godine

PREDSJEDNIK  
SKUPŠTINE BRČKO DISTRIKTA BiH  
**mr. sci. Siniša Milić**